

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj: 7/10), a u vezi sa članom 45. stav (4) Zakona o izvršavanju Budžeta Zeničko-dobojskog kantona za 2019. godinu ("Službene novine Zeničko-dobojskog kantona", broj: 3/19), na prijedlog Ministarstva za pravosuđe i upravu, Vlada Zeničko-dobojskog kantona, na 42. sjednici, održanoj dana 06.02.2020. godine, donosi

ZAKLJUČAK

I.

Prihvata se Izvještaj o izvršenju Programa utroška sredstava kapitalnih ulaganja za 2019. godinu Ministarstva za pravosuđe i upravu Zeničko-dobojskog kantona, sa pozicije "Rekonstrukcija i investiciono održavanje" i čini sastavni dio ovog zaključka.

II.

Zaključak stupa na snagu danom donošenja.

PREMIJER

Mirza Ganić

Broj: 02- /20

Datum, 06.02.2020. godine

Z e n i c a

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x a/a.

IZVJEŠTAJ

o izvršenju programa utroška sredstava kapitalnih ulaganja za 2019. godinu, Ministarstva za pravosuđe i upravu Zeničko-dobojskog kantona, sa pozicije „rekonstrukcija i investiciono održavanje“

Zaključkom Vlade Zeničko-dobojskog kantona broj: 02-14-7082/19 od 25.4.2019. godine, usvojen je Program utroška sredstava za kapitalna ulaganja za 2019. godinu na poziciji 821600 – rekonstrukcija i investiciono održavanje, u ukupnom iznosu od 20.000,00 KM.

Općinski sud u Zavidovićima je podnio zahtjev početkom 2018. godine Ministarstvu za pravosuđe i upravu, kojim je tražio da se hitno obezbjeđe sredstva u budžetu, za sanaciju krova na zgradi Odjeljenja suda u Maglaju. Naime, radi starog i dotrajalog krova (lim), svaka obilnija kiša dovede do prokišnjavanja i poplave u potkrovlju gdje je smještena arhiva, kao i do slijevanja vode niz zidove, što je moglo uzrokovati strujni udar i zapaljenje objekta, čime bi bili ugroženi životi uposlenih, kao i građana koji dolaze u sud. Takva havarija bi dovela i do uništenja kompletne informatičke opreme i arhivske građe.

Iz tog razloga u 2018. godini opredjeljena su sredstva za sanaciju krova, izrađen projekat sanacije i pokrenuta procedura javne nabavke putem konkurentskog zahtjeva. Međutim, u ostavljenom roku nije pristigla niti jedna ponuda, tako da je poništena javna nabavka i nije izvršena sanacija krova.

Radi neophodnosti sanacije, sredstva za te namjene planirana su i odobrena i u 2019. godini, provedena je procedura javne nabavke, izabran ponuđač, te izvršeni radovi na sanaciji krova.

Utrošena sredstva su prikazana u niže navedenoj tabeli:

	Naziv projekta	Visina odobrenih sredstava	Opis izvršenja	Utrošena sredstva u KM
1.	Rekonstrukcija i sanacija krova na zgradi Odjeljenja suda u Maglaju	18.500,00	Izvršeni radovi na sanaciji krova zgrade Općinskog suda u Zavidovićima, Odjeljenje suda u Maglaju	18.118,47
2	Usluga nadzora sanacije krova Odjeljenja suda u Maglaju	1.500,00	Izvršen stručni nadzor nad izvođenjem radova sanacije krova	1.053,00
	UKUPNO:			19.171,47